

CONSELLERÍA DE CULTURA, EDUCACIÓN E ORDENACIÓN UNIVERSITARIA

Organismo: DIRECCIÓN XERAL DE CENTROS E RECURSOS HUMANOS

Capítulo:	
Epígrafe:	

SUMARIO:

Orde do ---- de ----- de 2017 pola que se convoca concurso de méritos específico entre persoal funcionario de carreira do corpo de mestres para cubrir, en réxime de comisión de servizos, postos de escolarización a alumnado de atención preferente.

TEXTO:

O Decreto 244/1999, do 29 de xullo, polo que se regula a cobertura de diversas prazas por funcionarios públicos docentes que imparten ensinanzas de niveis non universitarios, prevé no seu artigo 3.2, que as prazas que nel se indican poderán ser cubertas mediante o correspondente concurso específico de méritos e polo prazo que se determine na convocatoria. As devanditas prazas deberán ser provistas a través dun concurso específico de méritos mediante nomeamento temporal con reserva do posto de traballo de orixe e polo tempo que se estableza na correspondente convocatoria, que en ningún caso poderá exceder en máis de seis anos.

A atención do alumnado con necesidades educativas específicas nos centros de escolarización preferente contemplados na disposición adicional quinta do Decreto 30/2007, do 15 de marzo, polo que se regula a admisión do alumnado en centros docentes sostidos con fondos públicos que imparten as ensinanzas reguladas na Lei orgánica 2/2006, do 3 de maio, de educación, debe efectuarse con profesorado con destino definitivo. Sen prexuízo do anterior, a escolarización do alumnado de atención preferente en centros ordinarios que, por non ser de escolarización preferente, non van contar con recursos humanos permanentes, aconsella unha certa permanencia do mestre ou mestra co alumnado de ser posible durante unha etapa educativa, evitando un cambio de docente cada curso académico. Posto que estas necesidades educativas teñen un carácter temporal e non poden cubrirse con carácter definitivo, procede a súa provisión en réxime de comisión de servizos.

Na súa virtude, esta Consellería de Cultura, Educación e Ordenación Universitaria

DISPÓN:

Artigo 1. *Obxecto*

Convocar concurso público de méritos específico entre persoal funcionario de carreira e persoal funcionario en prácticas do corpo de mestres, para adxudicar, en comisión de servizos, as prazas que figuran no anexo I desta orde.

Artigo 2. *Participantes e requisitos*

Poderá participar nesta convocatoria o persoal funcionario de carreira e en prácticas do corpo de mestres que se atope en situación de servizo activo na Comunidade Autónoma de Galicia no curso académico 2016-2017 e que posúa a especialidade que se requira para cada praza, así como o título de perfeccionamento en lingua galega ou do certificado de lingua galega (Celga 4) ou certificación ou validación equivalente.

Artigo 3. *Lugar e prazo de presentación*

O prazo de presentación de solicitudes para tomar parte nesta convocatoria, dirixidas ao Director Xeral de Centros e Recursos Humanos, será de vinte días naturais contados a partir do día seguinte ao da publicación desta orde no *Diario Oficial de Galicia*, e poderán presentarse no rexistro xeral da Xunta de Galicia (edificios administrativos de San Caetano, Santiago de Compostela), ou por calquera dos medios que establece o artigo 16.4 da Lei 39/2015, do 1 de outubro, do procedemento administrativo común das administracións Públicas. No suposto de optar pola presentación da solicitude e demais documentación ante unha oficina de Correos, farase en sobre aberto para que a solicitude sexa selada e datada polo persoal funcionario antes de ser certificada.

Logo de rematado o prazo de presentación de solicitudes e demais documentación, non se admitirá ningunha modificación nas peticións formuladas. Non obstante o anterior, admitirase a renuncia á participación no concurso de méritos específico dentro do prazo de reclamacións á resolución provisional establecido no punto 2 do artigo 5, entendendo que tal renuncia afecta a todas as peticións formuladas.

Artigo 4. *Solicitudes e documentación*

Aínda que aspire a máis dunha praza o persoal concursante presentará unha única solicitude axustada ao modelo que figura como anexo III, coa que achegará cuberta a folla de

autobarefacción que figura como anexo IV e a documentación que se indica no baremo que figura como anexo II para a acreditación dos méritos que alegue.

Non terán que presentarse aqueles documentos xustificativos dos méritos alegados que xa figuren no seu expediente persoal na aplicación informática www.edu.xunta.es/datospersoais.

No caso de que o persoal participante posúa méritos que non consten no seu expediente ou que sexan incorrectos, deberá xerar unha nova instancia na aplicación www.edu.xunta.es/datospersoais e, xunto cunha copia compulsada dos méritos alegados, achegala coa solicitude de participación neste concurso específico.

Artigo 5. *Comisión de selección*

1. A selección dos/das aspirantes será realizada por unha comisión, integrada polos seguintes membros:

Presidente: O subdirector xeral de Recursos Humanos ou persoa en quen delegue.

Vogais: Ata un máximo de tres vogais, entre persoal funcionario de carreira que ocupe postos de xefatura de servizo ou xefatura de sección da Consellería de Cultura, Educación e Ordenación Universitaria, ou membros da inspección educativa, e un/unha vogal membro dos equipos de orientación específicos.

Unha persoa funcionaria da Consellería de Cultura, Educación e Ordenación Universitaria, que actuará como secretario ou secretaria con voz e sen voto.

Ademais poderá asistir á comisión unha persoa representante de cada organización sindical con presenza na mesa sectorial docente non universitaria, con voz e sen voto.

2. Para a valoración dos apartados do baremo establecido no anexo II a comisión de selección poderá delegar esta función nunha subcomisión formada por persoal funcionario da Consellería de Cultura, Educación e Ordenación Universitaria. Logo de realizada a valoración, publicarase no portal de Internet da Consellería de Cultura, Educación e Ordenación Universitaria o baremo provisional dos méritos e a relación provisional de persoas excluídas e a causa da súa exclusión. Contra o baremo provisional e a relación provisional de persoas excluídas as persoas interesadas poderán formular as reclamacións que consideren, no prazo de cinco días naturais contados dende o seguinte ao da súa publicación. As reclamacións entenderanse contestadas mediante a publicación da resolución definitiva.

3. Os membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 23 e 24 da Lei 40/2015, do 1 de outubro, de réxime xurídico do sector público, e terán dereito a percibir asistencias e axudas de custo por concorreren ás sesións, conforme ó Decreto 144/2001, do 7 de xuño (DOG do 25), modificado polo Decreto 144/2008, de 26 de xuño (DOG do 18 de xullo) e polo Decreto 96/2011, do 5 de maio (DOG do 30 de maio, c. de erros do 1 de xuño) estando cualificadas na categoría primeira.

Artigo 6. *Proposta de nomeamento*

Será seleccionado o persoal aspirante que acade as maiores puntuacións no total dos puntos recollidos no baremo establecido no anexo II para a praza que solicita.

No caso de producirse empates no total das puntuacións outorgadas, estes resolveranse atendendo sucesivamente e por esta orde á maior puntuación nos apartados 4.3, 2, 1, 3, 4.1 e 4.2.

Logo de realizado todo o proceso anterior, a comisión de selección emitirá unha proposta de nomeamento dirixida ao director xeral de Centros e Recursos Humanos da Consellería de Cultura, Educación e Ordenación Universitaria.

Artigo 7. *Resolución da convocatoria*

A resolución da convocatoria ditarase polo director xeral de Centros e Recursos Humanos e publicarase no *Diario Oficial de Galicia* e por ela entenderanse notificadas, para todos os efectos, as persoas concursantes que afecte.

Contra a resolución da convocatoria, que lle pon fin á vía administrativa, as persoas interesadas poderán formular con carácter potestativo un recurso de reposición ante o director xeral de Centros e Recursos Humanos da Consellería de Cultura, Educación e Ordenación Universitaria, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido na Lei 39/2015, do 1 de outubro, do procedemento administrativo común das administracións Públicas, ou ben directamente o recurso contencioso-administrativo no prazo de dous meses perante o Xulgado do Contencioso Administrativo que resulte competente, segundo o establecido na Lei 29/1998, do 13 de xullo, reguladora da xurisdicción contencioso-administrativa.

Artigo 8.- *Toma de posesión*

As persoas seleccionadas deberán incorporarse ás prazas obtidas con data do 1 de setembro do ano 2017, e cesarán no seu destino de procedencia o 31 de agosto do mesmo ano.

As prazas adxudicaranse en réxime de comisión de servizos e con reserva do posto de traballo de orixe, por un período dun ano prorrogable ata que o alumno remate a etapa educativa que cursa e como máximo por un período que, incluída a comisión de servizos inicial e as eventuais prórrogas, non poderá superar os 6 anos de duración, de acordo co disposto no punto 2 do artigo 3 do Decreto 244/1999, do 29 de xullo. A prórroga esixirá petición da persoa interesada e o informe favorable do equipo de orientación específico.

Disposición derradeira primeira. Autorízase á Dirección Xeral de Centros e Recursos Humanos para ditar as disposicións que sexan necesarias para a aplicación e o desenvolvemento desta orde.

Disposición derradeira segunda.

1. Os requisitos para participar nesta convocatoria e os méritos que aleguen as persoas solicitantes deberán estar referidos á data de finalización do prazo de solicitudes.

2. Todos os méritos que consten no expediente do persoal participante non terán que xustificalos.

3. No que atinxe á antigüidade e ao cómputo dos servizos docentes, non se computarán as fraccións inferiores a un ano.

4. A titulación de grao valorarase como unha titulación de segundo ciclo sempre e cando non sexa a alegada para o ingreso non corpo.

5. As actividades de formación do profesorado a partir do 23 de maio deberán cumprir co establecido na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia (DOG n.º 96, do 22 de maio).

6. Para optar a prazas que requiran o coñecemento da linguaxe de signos as persoas solicitantes deberán posuír do título de intérprete de lingua de signos expedido pola Confederación Nacional de Xordos de España ou por algunha federación autonómica confederada, ou ben o título de técnico superior de interpretación de lingua de signos (ciclo formativo de grao superior).

Disposición derradeira terceira. Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, ** de maio de 2017

Conselleiro de Cultura, Educación e Ordenación Universitaria

Román Rodríguez González

INSÍRASE NO DOG



ANEXO I

Centro	Prazas	Localidade	Provincia
CEIP San Pedro de Visma (3), (6)	1 PT	A Coruña	A Coruña
CEIP E. Pardo Bazán (3)	1 PT	A Coruña	A Coruña
CEIP Ponte dos Brozos (1), (3), (6)	1 PT	Arteixo	A Coruña
IES Praia de Barraña (3), (6), (8)	1 PT	Boiro	A Coruña
CEIP San Luís Romero (3), (6)	1 PT	Carballo	A Coruña
IES Isidro Parga Pondal (3), (6)	1 PT	Carballo	A Coruña
CEIP Isaac Díaz Pardo (2), (6)	1PT 1 AL	Culleredo	A Coruña
CEIP Ría do Burgo (2), (6)	1 PT 1 AL	Culleredo	A Coruña
CEIP Sofía Casanova (2), (6)	1 PT	Culleredo	A Coruña
CEIP Felipe de Castro (2), (6)	1 PT 1 AL	Noia	A Coruña
CEE Manuel López Navalón (2), (6), (8)	5 AL	Santiago de Compostela	A Coruña
CEIP Virxe do Portal (compartido co CEIP de Toques) (4)	1 AL	Sobrado/Toques	A Coruña
CEIP Os Tilos (2), (6), (8)	2 PT	Teo	A Coruña
CPI de Atios (3)	1 PT	Valdoviño	A Coruña
IES da Terra Cha José Trapero (2)	1 PT	Castro de Rei	Lugo
CPI Ramón Piñeiro (2), (4), (6)	1 PT	Láncara	Lugo
CEE Santa María (2)	2 PT	Lugo	Lugo
CEIP de Casás (2)	1 PT 1 AL	Lugo	Lugo
CEIP Illa Verde (2)	1 PT	Lugo	Lugo
CEIP Menéndez Pelayo (14)	1 PT	Lugo	Lugo
IES Leiras Pulpeiro (2)	2 PT	Lugo	Lugo
IES Sanxillao (4)	1 AL	Lugo	Lugo
IES Nosa Sra. dos Ollos Grandes (3)	1 AL	Lugo	Lugo
CEIP Plurilingüe A Gándara (2), (3), (6)	2 PT 1 AL	Monforte de Lemos	Lugo
CEIP de Monforte de Lemos (3)	1 PT	Monforte de Lemos	Lugo
IES Río Cabe (5)	1 PT	Monforte de Lemos	Lugo
CEIP Antonio Ínsua Bermúdez (2)	1 PT	Vilalba	Lugo
CEIP Condessa de Fenosa (2)	1 PT	Barco de Valdeorras, O	Ourense
CEIP de Castrelo de Miño (6)	1 PT	Castrelo de Miño	Ourense
CEIP Manuel Luís Acuña (1)	1 PT con afín AL	Ourense	Ourense
CEIP Manuel Sueiro (2)	1 PT	Ourense	Ourense
CEIP Plurilingüe Amadeo Rodríguez Barroso (2)	1 PT	Ourense	Ourense
CEIP Plurilingüe de Seixalbo (3)	1 PT con afín AL	Ourense	Ourense
CPI José García García (2), (3)	1 AL	Ourense	Ourense
IES O Couto (12)	1 PT	Ourense	Ourense
CEE Príncipe Felipe (1), (3)	10 PT 1 AL	Pontevedra	Pontevedra
CEIP Santo Paio de Abaixo (8)	1 AL Requisito: coñecemento linguaxe de signos	Redondela	Pontevedra
CEIP N.º 1 (2)	1 PT	Tui	Pontevedra
IES Ricardo Mella (3)	1 PT	Vigo	Pontevedra
CEIP de Fonte Escura (2), (3)	4PT 1 AL	Vigo	Pontevedra

- (1) Trastornos graves da conduta
- (2) Trastorno do espectro do autismo
- (3) Discapacidade motora
- (4) Discapacidade sensorial (hipoacusia)
- (5) Discapacidade sensorial (coñecementos de braille)
- (6) Discapacidade intelectual
- (7) Sobredotación intelectual
- (8) Pluridiscapacidade

ANEXO II

MÉRITOS	TOTAL PUNTOS MÁXIMO
<p>1.- Antigüidade</p> <p>Por cada ano de servizos efectivos prestados en situación de servizo activo como persoal funcionario docente no corpo de mestres: 0.50 puntos por ano</p>	
<p>2.- Servizos</p> <p>Servizos prestados na especialidade de Pedagogía terapéutica ou na de Audición e linguaxe:</p> <p>2.1.-Por cada ano de servizos efectivos prestados en situación de servizo activo como persoal funcionario docente na especialidade de Pedagogía Terapéutica cando a praza que se solicite sexa desta especialidade: 0.50 puntos por ano.</p> <p>2.2.-Por cada ano de servizos efectivos prestados en situación de servizo activo como persoal funcionario docente na especialidade de Audición e linguaxe cando a praza que se solicite sexa desta especialidade: 0.50 puntos por ano.</p>	
<p>3.- Méritos académicos:</p> <p>3.1.- Polo título de doutor: 3 puntos.</p> <p>3.2.- Polo título universitario oficial de máster distinto do requirido para o ingreso á función pública docente, para cuxa obtención se exixisen, polo menos 60 créditos: 2 puntos.</p> <p>3.3.- Polo recoñecemento de suficiencia investigadora ou o certificado-diploma de estudos avanzados: 1 punto (este mérito non se valorará cando sexa alegado o título de doutor).</p> <p>3.4.- Por cada titulación de segundo ciclo: 0.5 puntos.</p> <p>3.5.- Pola segunda e restantes titulacións de primeiro ciclo: 0.25 puntos.</p>	6 puntos
<p>4.- Formación e perfeccionamento:</p> <p>4.1.- Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como os organizados polas universidades (0,10 puntos por cada 10 horas de cursos superados acreditados): ata 2 puntos</p> <p>4.2.- Por outras actividades de formación e perfeccionamento en materia educativa, incluída a impartición de cursos (no caso da impartición valorarase 0,10 puntos por cada 3 horas): ata 1 punto</p> <p>4.3.- Por actividades de formación específica directamente relacionadas coas necesidades educativas especiais (0,10 puntos por cada 10 horas): ata 3 puntos</p>	6 puntos

**XUNTA DE GALICIA**CONSELLERÍA DE CULTURA, EDUCACIÓN
E ORDENACIÓN UNIVERSITARIA

ANEXO III

PROCEDEMENTO	DOCUMENTO
Concurso de méritos específico entre persoal funcionario de carreira do corpo de mestres para cubrir, en réxime de comisión de servizos, postos de escolarización a alumnado de atención preferente	SOLICITUDE

DATOS DA PERSOA SOLICITANTE							
NOME		PRIMEIRO APELIDO		SEGUNDO APELIDO		NIF	
NACIONALIDADE		DATA DE NACEMENTO	PAÍS DE NACEMENTO		PROVINCIA DE NACEMENTO		CONCELLO DE NACEMENTO
TIPO	NOME DA VÍA			NUM	BLOQ	ANDAR	PORTA
PARROQUIA				LUGAR			
CÓDIGO POSTAL	PAÍS	PROVINCIA	CONCELLO		LOCALIDADE		
TELÉFONO	TELÉFONO MÓBIL		CORREO ELECTRÓNICO				
CORPO	ESPECIALIDADE		DESTINO				

PRAZAS QUE SOLICITA POR ORDE DE PREFERENCIA

Nº	CENTRO	PRAZA (marque segundo proceda: PT ou AL)	LOCALIDADE	PROVINCIA
1				
2				
3				
4				
5				
6				
7				
8				
9				
10				

SINATURA DA PERSOA SOLICITANTE					
Lugar e data					
	,	de		de	

Subdirección Xeral de Recursos Humanos
Dirección Xeral de Centros e Recursos Humanos
Consellería de Cultura, Educación e Ordenación Universitaria

ANEXO IV

PRIMEIRO APELIDO**SEGUNDO APELIDO**

--	--

NOME**DNI****NRP**

--	--	--

<u>CONCEPTO</u>	<u>PUNTUACIONES PARCIAIS</u>	<u>TOTAL</u>
<p>1.- Antigüidade</p> <p>Por cada ano de servizos efectivos prestados en situación de servizo activo como persoal funcionario docente no corpo de mestres: 0.50 puntos por ano</p>	0,50	
<p>2.- Servizos</p> <p>Servizos prestados na especialidade de Pedagogía terapéutica ou na de Audición e linguaxe:</p> <p>2.1.-Por cada ano de servizos efectivos prestados en situación de servizo activo como persoal funcionario docente na especialidade de Pedagogía Terapéutica cando a praza que se solicite sexa desta especialidade.</p> <p>2.2.-Por cada ano de servizos efectivos prestados en situación de servizo activo como persoal funcionario docente na especialidade de Audición e linguaxe cando a praza que se solicite sexa desta especialidade.</p>	0,50	
<p>3.- Méritos académicos:</p> <p>3.1.- Polo título de doutor:</p> <p>3.2.- Polo título universitario oficial de máster distinto do requirido para o ingreso á función pública docente, para cuxa obtención se exixisen, polo menos 60 créditos</p> <p>3.3.- Polo recoñecemento de suficiencia investigadora ou o certificado-diploma de estudos avanzados</p> <p>3.4.- Por cada titulación de segundo ciclo</p> <p>3.5.- Pola segunda e restantes titulacións de primeiro ciclo</p>	3 2 1 0,5 0,25	
<p>4.- Formación e perfeccionamento:</p> <p>4.1.- Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como os organizados polas universidades (0,10 puntos por cada 10 horas de cursos superados acreditados)</p> <p>4.2.- Por outras actividades de formación e perfeccionamento en materia educativa, incluída a impartición de cursos (no caso da impartición valorarase 0,10 puntos por cada 3 horas)</p> <p>4.3.- Por actividades de formación específica directamente relacionadas coas necesidades educativas especiais (0,10 puntos por cada 10 horas)</p>	ata 2 puntos ata 1 punto ata 3 puntos	